

Ruth Schmitt
Himmlisches Engelstadt

***Im Herze vun Rhoihesse in de Berg eninnggebaut
leit Engelstadt, das malerisch ins Selztal nunnerschaut.***

De Ortsname basst nor zur Hälfst fürwahr:
es wisse doch alle Kinn,
dass wir dort niemols Städter zwar,
hilfsbereite Engel awwer im Örtche sin!

Zum Ortsname will ich noch sage,
es gibt do e wunnerscheene Mär:
De Kaiser Karl war einst in unsere Gefilde zum Jage,
wunderte sich des Nachts gar sehr:

In seiner Jagdhütt im Traum en Engel erschien,
mit wallende Hoor un weißem Gewand.
"Hier ein Engel stand!" rief Karl in Traumphantasien -
somit wurd dieser Fleck "Engelstadt" genannt.

Romantisch die Geschicht aus alter Zeit -
ob se wohr is - mer kanns net bewaise...
In de Moderne lewe mer heit -
in Gedanke ich mit eich jetzt dorch Engelstadt reise.

En alte Ortskern gibts un e Neubaugebiet,
alte Haiser (manche sin restauriert).
Die Hauptstrooß dorch de Ort sich zieht -
Nostalgie de Betrachter berührt.

Tradition unn Moderne gehe Hand in Hand,
Winzergehöfte gibt's noch e paar.
Vun auswärts baue Leit uffem Land,
weil die Welt bei uns noch OK is - ganz klar!

Geht mer vum Ort ins Feld enaus - was e Glick -
Naturfreunde erlewe e wahre Pracht:
Könne genieße en meilenweite Blick,
die Aache erfreut's, unn des Herz im Leib lacht!

Gutsschänke unn Straußwertschaft - zusamme drei -
sin beliebt unn sehr gut besucht.
Serviere lecker Esse, kredenze prämierte Woi,
es kumme ganz viel Gäscht, die alles schun vesucht...

Rüstige Rentner sin aktiv,
sie schaffe an alle Ecke.
Mache glatt, was krumm unn schief,
baue Trockemauern unn schneide Hecke.

In de Gemarkung unn im Ort
gibt es veel ze richte.
Uff fleißige Macher alleritt unn alsfort
kann mer net vezichte!

Neie Sitzbänk wurde ingeweiht -
es gab do e ganz klaa Fescht.
Woi unn Werschtcher stande bereit
in de Garage vum Bojemaaschter, weils Werrer schlecht.

De Bojemaaschter dankte mit flammende Worte
all dene, die tatkräftig mitgemacht,
damit Wandrer, Spaziergänger unn annere Konsorte
Engelstadter Luft schnuppern könne Dag unn Nacht.

Die Luft in Engelstadt is besonnens gut
bei Arwet, Körpertraining, Sport.
Sie stärkt des Herz, erfrischt des Blut
grad wie im Höheluftkurort!

Dezu kimmt noch des Woiparadies:
uff de Hügel üppig die Wingert sprieße.
Engelstadter Woi - ob trocke, lieblich orrer sieß -
kann mer zu jeder Johreszeit himmlisch genieße!

Engelstadterinne als Engel fungiere,
koche de Kaffee unn decke de Disch.
Feines gibt es do ze probiere,
freundlich gereicht unn immer frisch.

Die Engel vun Engelstadt mache es recht,
des Wirke vun dene is perfekt!
Unserm Ortsname werde die gerecht,
zeige, dass Engelsgeduld dehinner steckt!

"*Engelstadt: Deiwelstadt!*" hieß es in frühere Zeite...
Üwwer den Spruch wächst jetzt des grüne Gras.
De Deiwel kann jetzt kaaner meh veleite,
bei all dene Engel gelingt himmlischer Spaß!

"*Trocke Brot, unn das net satt -*"
das stimmt uff gar kaan Fall!
Gut ze esse gibts in Engelstadt,
satt wern die Leit bei uns all.

"*Große Schüssele, unn nix droi -*"
wer hot d a s nor publik gemacht?
En Deiwel muss das gewese soi,
der sich dodebei aans in Feischtche gelacht...

Unser Bojemaaschter in all soine Rede vespricht:
"Mer hunn en scheene Ort."
Engelstadt durch seinen Wandel besticht.
Das könnt ihr glaawe, Wort für Wort!

De Dorfplatz als himmlische Mitte
bekimmt bald e nei Gestalt.
Dann könne Feschte, die in Engelstadt Sitte,
zum Feiern lade Jung unn Alt.

Sinnvoll die Neuerunge bei uns uffem Land -
die klug Vewaltung will tätig erreiche,
dass Beständigkeit unn Sachvestand
im Ortsgeschehe so schnell net weiche.

Unser Engelstadt soll awwer himmlisch bleiwe:
en idyllische Fleck uff dere laute Welt,
der selbst dann, wann mer e nei Johrhunnert schreiwe,
soi Beschaulichkeit unn soine ländliche Reiz behält.